

ادبیات کمر و پیکر

هفته لقی سیاسی، علمی و ادبی غزته در

جلد : ۲

سنه : ۲ ۷ ربیع الاول ۱۳۳۶ ۲۲ کانون اول ۱۹۱۷ نومرو ۱۶ — ۴۷

احمال و فکر

طیبه عثمانیه و اوروپا

ممالک عثمانیه دن، دائماً، طونیا لاتولرله اوروپایه خام مواد، یوک، ایپک، دری، آفیون کیدیور. بونلر، اوراده، غرب عقل وسعینک التحاق وانضمامیله ایشلمش برمتاع، طریف برقوستوم، نارین، وشفاف برچارشاف، کوزل و صاغلام برقوندره، برشیشه دوای شافی شککنده اصله رجوع ایدیور.

عجبا، بونک کبی، بورادن غربه ایشلمه مش سرمایه آدمی کوندروب، ایشلمش امتعه انسانیه جلب ایتک قابلیدر؟ بوجهتک، شیحدیلک، تدقیق فضولیاتدندر. شوقدر وارکه تا سلطان محمود عدلی عهدندن بری، مملکت مزده صنف مجدد و ممتاز بوفکره قناعتکار اولدیغندن، بعضاً آرزو کثرتله چوق ممالک غربیه و بالخاصه فرانسه یه طلبه کوندرمشدر.

آره دن تقریباً بر عصر کچدی. شوخاربه عمومیه رأس تاریخسنده کوچک بریلانچو تنظیم ایتک اقتضا ایدر. کندی کندمزه صوراریز: اولاً - کیدنلر تغرب ایدرک ابنای غربک خصائل آلیه سنه تمثیل ایتدیلر می؟ ثانیاً - بونلر دن وطن و ملت مستفید اولدیمی؟ ثالثاً - شهراه تکاملده توقف ویاتدن ایدن بر هیئت، جبرمافاة ایتک، ایلرلک ایچون بویله می حرکت ایتلی ایدی؟

ظنمز سراپای خطا و ذهول دکلسه، شواسله^۱ ثلثه بزم ایچون برنجی درجه ده حائز اهمیت مواد غامضه و معضله در. اوروپانک بر جاذبه سی وار: حیات مادیه و معنویه اوراده ده طاطلی. اذواق و اشواق ده زیاده اودیارده ده فضله ودها ای یاشانیور. اوروپایه پرکیدن دکل، اورانک جریان حیاتی طویان و بنا رسملرینی کورهن بیله کشور افرنجک مسحور آهنکی اولیور. بناء علیه، بر جوجق، اوروپایه کیتک احتمالی ذهنته برلشدر برلشدر، کلین اوله جفنی قوران بر قیزکی، معناً بر بجران و مستی^۲ لطیفه اوغرییور. لکن، اطفال حائز پایه رشد اولدقلرندن کیندی لرینک بوبابده بررأی و مطالعه سی اوله ماز.

دیار فضولی

« کاروبان راه تجرید ز خطر خوفن چکوب »

« گاه مجنون گاه بن دور الله نوبت بکارز »

فضولی بغدادی

بوکون فضولی ، مصائبناہ اولان ترهك ،

غموم ایچنده ، امینم که ، آغلیور بزسر !

او بی نوای فراقز که مسکن ومدفن

وطن ده اولسه غریبز ... یتیم تاریخز !

کوروشمدم سهده اصلا هزار زارکله ،

روان پاکی کوردم کزردی هریرده ؛

اوت ، فضولی ، سنک روح بی قرارکله

زمان زمان طولاشیردم او اوکسوز ایلارده !

سنکله بن طولاشیرکن کورور و آغلاردم

او منکسر چنک حشر اولان سفالتی ؛

سکوت ایدردی ٹولورکن ده ، او یله آکلاردم

که خوف عار ایله کیزلردی هر مذلتی .

محاسنده نمایان ملال خسروانی ،

کلیندی صانکه او بر جمله گاه هجرانده ؛

جهانه عمر آقیدیرکن زواللی پستانی

قنار طوروردی ، لوٹ دهان کفرانده !

نيسان سنه ۱۹۱۷

سليمانيه نظيف